



Rabu, 18 Oktober 2023

Ogen: Ester 1:10-12



Pang Ncidahken Diri



Saya tidak bisa memikirkan representasi kecantikan yang lebih baik dari pada seseorang yang tidak takut menjadi dirinya sendiri (Emma Stone). Enda saja kata Mutiara nta pe motivasi si perlu si renungkan i bas kegeluhenta. Kecantikan nta pe mejile, melekat kal man diberu, kita Moria. Kuga kin si ikataken mejile? Megati kal kita ngerana ras erbahan sukat-sukat mejile e me penampilen fisik, daging kula, rikut ras fashion nta pe ruis ras penampilen sekalak jelma. Lit artikel si erbahan sukat-sukat mejile eme: i bas penampilenna mehuli ras semangat; teridah arah percaya diri; labo nggit kal jadi pusat perhatin jelma si nterem; ietehna ncibalken ranan alu mehuli rikut ras cara ngerana; mandiri, la tergantung man nterem kalak; mediate nandangi lingkungan ras kalak sideban bagepe cara rukurna terbuka, la sempit nta pe picik. Rikutken sie kinijilen sekalak jelma relative kal. Emaka megati kal kontes kecantikan si ibahan i bas doni enda la saja soal rupa tapi kerina dampar kegeluhen enda.

Bageme i bas renungenta paksa enda, megatikal i bas ngidah sosok diberu kusus i bas kitab Ester si bandingkan kal antara Wasti ras Ester. Rusuren kita mujiken Ester rikut kinijilenna ras Wasti si iakap pembangkang, erkiteken la patuh, la nggit ngikutken kata perbulangenna. Kedungenna itulak ia selaku kemberahen. Tangkas rikutken turi-turin geluhna ras sikapna si mandiri, la ia merincuh icidah-cidahken man temue raja, si peduaken ia sangana erbahan acara ras teman-temanna emaka kualitas diri rikut kehamatenna ras diberu si sangana pulung terganggu. Terdauhen perukuren dilaki si erpengakap terganggu dikune kai sibahan Wasti jadi usihen diberu ras ndehara paksa e me maka Wasti itulak. Labo iajuk Moria jadi pembangkang tapi ngasup rukur alu payo ras mandiri.